



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 52. Variæ Congregationes Basileæ habitæ

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. fileæ Cardinalatus sui insignibus Italiam
A. G. 1443. repetiit, ad Ecclesiam suam reversurus.

Acta Patric.
 p. 1611.

Ceteri duo Episcopi pariter ad suas quisque Diœceses remigrarunt, quos mox secuti sunt reliqui omnes, qui ex Alphonsi Regnis Basileæ erant.

Eodem tempore inter Austriae Duces, & Basileenses cives eorumque confœderatos suscitata est belli flamma, quæ tamen vix mota Prælatorum ibidem congregatorum cura ac labore extincta est.

§. LII.

Variae Congregationes Basileæ habitæ.

Basileenses integro ferme hoc anno otiosi hærebant, sive ob Felicis absentiam, sive ob futurum Norimbergensis conventus mox celebrandi eventum, quem prius expectandum censebant. Quapropter nonnisi quædam habebantur Congregationes, in quibus de privatis agebatur causis, quæ Herbipolensem Præposituram a Bachensteinio expetitam concernebant, necnon revocationem cujusdam sententiæ, quam in Curia Romana Firmanus Cardinalis adversus Philippum Hybernum, aliosque pronunciaverat. Præterea Mense Majo delatæ sunt literæ Francisci Britannicæ Ducis, qui Basileenses vana spe lactabat, pollicitus, se suos con-

convocaturum Clericos, eosque ad acceptandas, quæ causis Ecclesiæ multum proficuae essent, propositiones compulsurum, ea tamen lege, ut illi ad se legatum decernerent. Placuit Basileensibus Ducis consilium.

Sæcul. XV.
A. C. 1443.

§. LIII.

Felix Basileam redire detradtans.

Sub idem tempus Felix in graves adversus Basileenses prorupit querelas, quod, antequam ad Papatum vocaretur, promississent, se ad solemnes legationes necessarios sumptus suppeditaturos; cum tamen nullatenus hucusque datam fidem liberassent, & ipse ad filiorum suorum hæreditatem infumendam coactus fuisset. Cum vero ex illius absentia multum auctoritati Concilii decessisse videretur, Basileenses eundem rogabant, ut Basileam rediret, quibus ille reposuit, se propria edoctum experientia scire, longe melius Ecclesiam Lausannæ, quam Basileæ gubernari, multosque eum ibi convenire, qui tamen nunquam Basileam ituri essent, ac propterea firmo constituisse animo, deinceps in dicta urbe permanere.

§. LIV.

Italorum vota de Synodo Romæ celebranda.

Alphonfus, Veneti, Florentini, Senenses, aliique Italiæ Principes ad Cæsarem